

劉階平編校

圖
校
但刻聊齋志異
(三)

金安馬君彥題



王公羅琴

土木為災莽漫嗟六年琴
瑟樂無涯早為狼子謀深
園始信仙人苦作家



當年平視可分明修
 到重逢又幾生不信
 洛川舊神女陳思而
 外更鍾情



甄后





太息高郎壽
 不為苦殫心
 力為兒曹恩
 威並用無岐
 視富貴母忘
 此氏芳




天宮

更從何處
認天宮來去
無端醉夢中春
色滿園關不住幾
人酣卧小樓東



神女

襟陌衣冠散介身車中
慰贈亦前因為卿風夜
蒙霜露不惜珠
卷持與人





羅祖

妻孥久別幸平安
決絕如何一旦
拌檀城能將刀
放下便成佛祖
亦此難



梓潼令

楚唐當年

笑鄭人迷離

悔仇坑非真梓

潼再任先飲此醉

劉雷同夢更神



聊齋志異新評卷九

淄川

松齡

畱仙 著

新城 王士正 貽上 評

廣順 但明倫 雲湖 新評

雲蘿公主

尙主而托
之於夢既
信之而又
漸悔之則
此後下嫁
諸事作真

安大業、盧龍人生而能言。母飲以犬血，始止。既長，韶秀。顧影無儔。又慧，能讀。世家爭婚之。母夢曰：「兒當尙主。」信之。至十五六，迄無驗。亦漸自悔。一日，安獨坐，忽聞異香。俄一美婢奔入，曰：「公主至。」卽以長璫貼地，自門外直至。

境觀可也
作幻境觀
亦可也
從婢子口
中點出輕
便之至不
則自來相
宅句作何
安頓

榻前。方駭疑問。一女。郎扶婢肩入。服色容光。映照四堵。婢卽以繡墊設榻上。扶女郎坐。安倉皇不知所爲。鞠躬便問。何處神仙。勞降玉趾。女郎微笑。以袍袖掩口。婢曰。此聖后府中雲蘿公主也。聖后屬意郎君。欲以公主下嫁。故使自來相宅。安驚喜。不知置詞。女亦俯首相對。寂然。安故好棋。楸枰嘗置坐側。一婢以紅巾拂塵移諸案上。曰。王日耽此。不知與粉侯孰勝。安移坐近案。王笑從之。甫三十餘。着婢竟亂之。曰。駙馬負矣。歛子入奩。曰。駙馬當是俗間高手。王僅能讓六子。乃以六黑子實局中。

伏筆無痕

禁忌之說
原不可過

主亦從之。主坐次輒使婢伏坐下。以背受足。左足踏地。則更一婢右伏。又兩小鬟夾侍之。每值安凝思時。輒曲一肘伏肩上。局闌未結。小鬟笑云。駙馬負一子。婢進曰。主情宜且退。女乃傾身與婢耳語。婢出少頃而還。以千金置榻上。告生曰。適王言居宅湫鄙。煩以此少致修飾。落成相會也。一婢曰。此月犯天刑。不宜建造。月後吉。女起。生遮止。閉門。婢出一物。狀類皮排。就地鼓之。雲氣竄出。俄頃四合。冥不見物。索之已杳。母知疑以爲妖。而生神馳夢想。不能復捨。急於落成。無暇禁忌。刻日敦迫。廊

拘然相宅
菴日聖人
重之史氏
書之惡可
不慎

從對面寫
俠士已見

舍一新。先是有灤州生袁大用。僑寓鄰坊。投刺於門。生
素寡交。託他出。又窺亡而報之。後月餘。門外適相值。二
十許少年也。宮絹單衣。絲帶烏履。意甚都雅。畧與傾談。
頗甚溫謹。悅之。揖而入。請與對奕。互有贏虧。已而設酒。
畱連談笑。大懽。明日邀生至其寓所。珍肴雜進。相待殷
渥。有小童十二三許。拍板清歌。又跳擲作劇。生大醉。不
能行。便令負之。生以其纖弱。恐不能勝。袁強之。僮綽有
餘力。荷送而歸。生奇之。次日犒以金。再辭乃受。由此交
情款密。三數日。輒一過從。袁爲人簡默。而慷慨好施。市

一斑此處
先實後虛

雖有定數
然以婚姻
之故急於
落成致犯

有負責鬻女者。解囊代贖。無吝色。生以此益重之。過數
日。詣生作別。贈象箸楠珠等十餘事。白金五百。用助興
作生反金受物。報以束帛。後月餘。樂亭有仕宦而歸者。
橐貲充牣。盜夜入。執主人。燒鐵鉗灼。劫掠一空。家人識
袁行牒。追捕鄰院屠氏。與生家積不相能。因其土木大
興。陰懷疑忌。適有小僕竊象箸賣諸其家。知袁所贈。因
報大尹。尹以兵繞舍。值生主僕他出。執母而去。母哀邁
受驚。僅存氣息。二三日不復飲食。尹釋之。生聞母耗。急
奔而歸。則母病已篤。越宿遂卒。收殮甫畢。爲捕役執去。

天刑詒憂
母氏至于
生不能侍
疾死不能
成禮哀哉

雲蘿有禮

尹見其年少溫文竊疑誣枉故恐喝之生實述其交往
之由尹問何以暴富生曰母有藏鏹因欲親迎故治昏
室耳尹信之具牒解郡鄰人知其無事以重金賂監者
使殺諸途路經深山被曳近削壁將推墮之計逼情危
時方急難忽一虎自叢莽中出齧二役皆死銜生去至
一處重樓疊閣虎入置之見雲蘿扶婢出淒然慰弔曰
妾欲畱君但母喪未卜窀穸可懷牒到郡自投保無恙
也因取生胸前帶連結十餘扣囑云見官時拈此結而
解之可以弭禍生如其教詣郡自投太守喜其誠信又

正面寫俠
士此處先
虛後實

人間自是
清淨光明
世界那能
容此齷齪
骯髒物

爽快乾淨

稽牒知其冤。銷名令歸。至中途遇袁。下騎執手。備言情
况。袁憤然作色。默不一語。生曰。以君風采。何自汚也。袁
曰。某所殺皆不義之人。所取皆非義之財。不然。卽遺於
路者。不拾也。君教我固自佳。然如君家鄰。豈可畱在人
間。耶。言已。超乘而去。生歸。殯母。已。柴門謝客。忽一夜盜
入鄰家。父子十餘口。盡行殺戮。止畱一婢。席捲貨物。與
僮分攜之。臨去。執燈謂婢。汝認之。殺人者我也。與人無
涉。並不啟關。飛簷越壁而去。明日告官。疑生知情。又捉
生去。邑宰詞色甚厲。生上堂。握帶且辨。且解。宰不能詰。